



Երիտասարդ Պատմագետների Ասոցիացիա ՀԿ  
Armenia նախաձեռնություն

Edu

Ուսուցիչների պետական պարտադիր  
վերապատրաստման  
դասընթաց 2022

Հետազոտական աշխատանք

Թեմա՝ Ինչպես ավելի արդյունավետ դարձնել դասդեկ –  
սան փոխհարաբերությունները

Հետազոտող ուսուցիչ՝ Գոհար Իսոյան  
«Երևանի պարարվեստի պետական քոլեջ» ՊՈԱԿ

## Բովանդակություն

1. Ներածություն -----	3
2. Գլուխ 1. Ղասղեկի գործառույթները -----	4
3. Գլուխ 2. Ղասղեկական աշխատանքների կազմակերպում -----	8
4. Գլուխ 3. Ղասղեկի համագործակցությունը ծնողի հետ -----	14
5. Եզրակացություն -----	18
6. Օգտագործված գրականության ցանկ -----	20

# Ներածություն

Առաջին անգամ դասղեկի պաշտոնը ներդրվել է 1930-ական թվականներին: Մինչ այս խմբային դաստիարակչական աշխատանքն իրականացվում էր ուսուցիչների կողմից: Դասարանում մանկավարժական գործընթացն ուղղված է աշակերտների համակողմանի զարգացմանը: Դասղեկի դերը սովորողների մոտ սովորելու նկատմամբ պատասխանատու վերաբերմունք և ինքնուրույն սովորելու կարողություն ձևավորելն է: Դասղեկի մանկավարժական պարտականությունն է հոգ տանել աշակերտների առողջության պահպանման և ամրապնդման մասին: Դասղեկի առանձնահատուկ դերը՝ սաների, սաների ծնողների, դպրոցի կրթական գործունեության մեջ միասնության հասնելն է: Այսպիսով, դասղեկը հանդես է գալիս և՛ որպես կրթական գործունեության կազմակերպիչ, և՛ որպես ուսուցիչ սովորողների համար:<sup>1</sup>

Որպես կանոն՝ սովորողների հաջողության գրավականը ամբողջ ուսումնական տարվա ընթացքում կախված է այն բանից, թե ինչպիսի վարպետությամբ դասղեկը կկարողանա կարգուկանոն հաստատել դասարանում, ինչ սպասելիքներ և նպատակներ ունի դասղեկը ուսումնական տարվա ավարտին: Այս ամենը հարկավոր է մանրամասն ներկայացնել աշակերտներին, իսկ նրանք կաշխատեն հնարավորինս իրագործել այդ սպասելիքները և նպատակները, իհարկե, դասարանական առողջ մթնոլորտում:

**Հետազոտության նպատակն է սահմանել դասղեկի գործունեության ռազմավարությունները՝ ինչ պարտականություններ, գործառույթներ է կատարում դասղեկը, համակարգել դասղեկի կազմակերպչական աշխատանքների բովանդակությունը և ձևերը՝ որպես սովորողների ուսումնառության և դաստիարակության հիմնա-**

---

<sup>1</sup> Статья “Роль классного руководителя в современной школе”, 17.08.2018

կան և գլխավոր դերակատար:

**Հետազոտության խնդիրը :** Լինելով դասղեկ՝ բախվել եմ մի շարք խնդիրների դասղեկ – սան - ծնող առողջ փոխհարաբերությունների կառուցման գործում, ուստի փորձեցի վերլուծել իմ կատարած աշխատանքները, համագործակցել գործընկերներիս հետ, ուսումնասիրել և գտնել օպտիմալ լուծում, որը կբխի երեխաների շահերից, լուսաբանել ծնողների և դասղեկի վճռորոշ դերը երեխայի ուսումնառության գործընթացում, վերլուծել հիմնախնդրի վերաբերյալ տարբեր տեսական և գործնական մոտեցումները, մեկնաբանությունները:

## **Գլուխ 1. Դասղեկի գործառույթները**

Դասղեկի դերը հանրակրթական դպրոցի տարբեր տարիքային դասարաններում առողջ կոլեկտիվի ձևավորման հարցում որոշիչ դեր ու առանձնահատուկ նշանակություն ունի: Ըստ այդմ էլ դասղեկը, օրենքով սահմանված կարգով, ունի իր պարտականությունները.

- դաստիարակչական աշխատանք է կատարում իր դասարանի սովորողների շրջանում, հայտնաբերում է կյանքի դժվարին իրավիճակներում հայտնված սովորողին (ընտանիքին) և դրա մասին մեկօրյա ժամկետում տեղեկացնում է դպրոցի տնօրենին՝ սերտորեն համագործակցելով մյուս մանկավարժական աշխատողների հետ.
- մասնակցում է իր ղեկավարած դասարանում սովորողների կրթության առանձնահատուկ պայմանների կարիքի դիտարկմանը, բացահայտմանը, գնահատմանը և մանկավարժահոգեբանական աջակցության համապատասխան ծառայությունների մշակմանը, դրանց ապահովմանը.
- նպաստում է սովորողների նկատմամբ դպրոցի և ընտանիքի միասնական մանկավարժական պահանջների կատարման ապահովմանը, անհրաժեշտության դեպքում սովորողների համար կազմակերպում է ուսումնական օգնություն.
- իրականացնում է դասարանի համար սահմանված գործավարությունը, էլեկտրոնային գրանցումները, դպրոցի տնօրենությանը ներկայացնում սովորողների առաջադիմության, հաճախումների և վարքի մասին տեղեկատվություն.

- կազմակերպում է սովորողների առողջության ամրապնդմանն ու ֆիզիկական զարգացմանը նպաստող միջոցառումներ, մրցույթներ, նպատակային էքսկուրսիաներ, շրջագայություններ և այլ միջոցառումներ.
- դպրոցի մանկավարժական խորհրդի քննարկմանն է ներկայացնում սովորողին խրախուսանքի կամ կարգապահական տույժի ներկայացնելու հարցը:
- արգելում է սովորողների, ուսուցիչների և ծնողների այն նախաձեռնությունները, որոնք կարող են սովորողի առողջության, կյանքի համար վտանգ պարունակել, ինչպես նաև խաթարել ուսումնադաստիարակչական աշխատանքների իրականացումը:<sup>2</sup>

Դասարանում կարող են ընդգրկված լինել այնպիսի երեխաներ, որոնք տարբեր են դաստիարակությամբ, աշխարհընկալմամբ ու աշխարհայացքով, արժեհամակարգով: Դասղեկի դերն է գործել նպատակաուղղված, քանի որ դպրոցում սովորողների դաստիարակության պատասխանատուն է և այդ դժվարին գործընթացի իրականացնողը: Նա սովորողների մոտ ձևավորում է հայրենասիրություն, պատասխանատվություն սեփական արարքների նկատմամբ, ինքնուրույնություն, մի խոսքով՝ ձևավորում է ինքնակառավարվող սովորող:



Ֆրանսիացի մանկավարժ **Ս. Ֆրենեն** գրել է. «Դաստիարակության հիմքում ընկած է անձի արժանապատվությունը: Ուսուցչի և աշակերտի փոխադարձ հարգանքը դպրոցի բարելավման գլխավոր պայմաններից մեկն է»:

Քանի որ մենք պետք է դիմակայենք 21-րդ դարի մարտահրավերներին, դաստիարակենք այնպիսի քաղաքացիներ, որոնք մեր ապագան կերտողներն են, ժամանակակից դասղեկը պետք է կիրառի դաստիարակչական աշխատանքների այնպիսի մեթոդներ ու ձևեր, որոնք բխում են աշակերտի կարիքներից, տարիքային ու անհատական առանձնահատկություններից: Իսկ աշխատանքի մեթոդներն ու ձևերը բազմաթիվ են: Օրինակ՝ գրույցներ, բանավեճեր, հանդիպումներ անվանի մարդականց հետ, վիկտորինաներ, մրցույթներ, էքսկուրսիաներ, ներկայացումներ, ցերեկույթներ, բարձր դասարանցիների հետ՝ ար-

2. «ՀՀ Պետական հանրակրթական ուսումնական հաստատություն՝ ՊՈԱԿ» օրինակելի կանոնադրություն, կետ 76

շավներ, հասարակական աշխատանքներ և այլն:Թվարկվածների մեծ մասը կարելի է իրականացնել դասուղեկական ժամերի ընթացքում:

Այն երեխան, որը դաստիարակվում է ուսուցչի կողմից, **Վ. Ա. Սուխոմլինսկին** համեմատում է մարմարի մեծ ժայռաբեկորի հետ, որին միաժամանակ մոտեցել են մի քանի քանդակագործներ և նպատակ դրել կերտել մի քանդակագործական երկ, շնչավորել այն, նրա մեջ մարմնավորել մարդկային իդեալ: Ուսուցիչն էլ յուրովի քանդակագործ է. նա կարծես գիտելիքի կենդանի պահեստ լինի, որը կարողանում է մարդկության ինտելեկտուալ հարստությունը փոխանցել երիտասարդ սերնդին, նրանց մեջ սերմանել հարցասիրություն, գիտելիքի նկատմամբ սեր, ասել է թե՛ կերտում է ապագայի մարդուն:<sup>3</sup>

Յուրաքանչյուր երեխա պետք է ունենա իր տեղն ու դերը, գիտակցի իր կարևորությունը հասարակության մեջ, իսկ այդպիսի անձ ձևավորելը պետք է լինի դասուղեկի առանցքային նպատակը: Հաջողության հասնելու համար դասուղեկը պետք է պլանավորի իր աշխատանքները սովորողների հետ՝ հաշվի առնելով նրանց հետաքրքրությունները, նախասիրությունները, միասին ստեղծել բարենպաստ պայմաններ՝ աշխատանքը իրականացնելու համար: Նպատակին հասնելու համար՝ դասուղեկը պետք է համագործակցի ոչ միայն սովորողների, այլև դասավանդող ուսուցիչների և ծնողների հետ, քանի որ դասարանում կլինեն նաև ինտեգրման կարիք ունեցող երեխաներ:

**Իմ փորձից:** Նախքան դասարանի հետ աշխատելը պետք է հնարավորինս շատ բան իմանալ աշակերտների մասին, հատկապես թե՛ նոր դասարան է ձևավորվել: Առաջին հերթին, որոշակի տեղեկություն իմանալու համար, հարկավոր է ծանոթանալ աշակերտի անձնական գործին: Իմ դասուղեկական դասարանում հանձնարարեցի 5-րդ պետանոց շարադրանք **«Ո՞վ եմ ես»** վերնագրով, այնուհետև երեխաները ընթերցեցին իրենց շարադրանքը: Երեխաների հետ անկեղծ և անմիջական շփում ապահովելու համար ես էլ մի փոքր պատմեցի իմ մասին, այսպես նաև ձեռք բերեցի փոխադարձ վստահություն: Իմ կարծիքով անմիջականությունը հաջողության հասնելու առաջին գրավականն էր:

Յուրաքանչյուր սովորող ունի իր **«անձնական տարածքը»**, իրեն հատուկ բնավորության գծերը: Սկզբում պետք է սովորողին ընդունել այնպիսին, ինչպիսին որ կա, լինել ներողամիտ նրա նկատմամբ և ժամանակի ընթացքում հնարավորինս հղկել բնավորության բացասա-

---

3. Սուխոմլինսկի Վ. Ա., Հարյուր խորհուրդ ուսուցչին, 2-րդ մաս, Երևան, 1981թ., 174 էջ:

կան գծերը /դասուցեկը ասես բրուտ լինի, նա պետք է կարողանա աշակերտին այնպես հմտորեն ձևել, ինչպես բրուտը վարպետորեն ձևում է տձև կավը և ստանում մարդուն անհրաժեշտ գեղեցիկ իրեր/։ Պետք է հնարավորինս թափանցել սովորողի ներաշխարհ՝ զգալու՝ ի՞նչն է նրան հուզում կամ ուրախություն պատճառում։ Յուրաքանչյուր քայլ պետք է անել մտածված, մատնանշել սովորողի անգամ փոքրիկ հաջողությունները։ Դա նրան թևեր կտա հաղթահարելու անհասանելի թվացող բարձունքը։ Դասուցեկը երբեք չպետք է վիրավորի կամ սպառնալիքով խոսի իր աշակերտի հետ, հատկապես ամբողջ դասարանի ներկայությամբ, այլ իր բարի խորհրդով ու արարքներով օրինակ լինի իր աշակերտի համար /օրինակ՝ կարելի է ստեղծել նմանատիպ իրավիճակ և ցանկալի ելքով ավարտ/։

Եթե կազմակերպում ենք միջոցառումներ, ապա պետք է այնպես անել, որ յուրաքանչյուրն իրեն զգա միջոցառման կարևորագույն **«դեմքը»**, ասել է թե՛ առանց իր մասնակցության միջոցառումը չէր կայանա։ Դա հնարավորություն կտա սովորողին բացահայտել իր մեջ եղած թաքնված ունակությունները, չէ որ կան աշակերտներ, որոնք անընդհատ թերագնահատում են իրենց կարողությունները։ Նրանց պետք է ոգևորել՝ ասելով՝ **«Դու կարող ես»**։ Ընդհանրապես, անաչառությունն ու արդարամտությունը յուրաքանչյուրի հանդեպ դեպի աշակերտի սիրտը տանող միակ ճանապարհն է։ Դասուցեկը պետք է լինի սովորողի լավագույն, հոգատար ընկերը, չէ որ սովորողը վստահում ու հավատում է նրան։

**Իմ փորձից**։ Ես նոր էի դասավանդում դպրոցում, երբ տնօրենությունը ուսուցիչներին հանձնարարեց կազմակերպել համադպրոցական միջոցառում։ Ես դասավանդում էի 8-րդ դասարանում, որը չէր փայլում իր «համեստությամբ», և դա իմ առաջին միջոցառումն էր։ Ես ընգրկեցի ամենաչար տղաներին, նրանց տվեցի դրական կերպարների դերերը /պետք է բեմադրություն խաղային/։ Ուսուցիչներից ոմանք թերահավատորեն էին մոտենում իմ նախաձեռնությանը, քանի որ տղաները նաև վատ էին սովորում։ Բայց մենք ջանասիրաբար աշխատեցինք ու հաջող ելույթ ունեցանք՝ փշրելով այն կարծրատիպը, որ «վատ սովորող տղաները ունակ չեն լինի իրենց դերերը լավ խաղալու», նույնիսկ զարմացած էին նրանց ծնողները։ Աշակերտներս արժանացան հանդիսատեսի ջերմ ծափահարություններին։ Միջոցառումից հետո շատ բան փոխվեց նրանց վարքում։

## Գլուխ 2. Դասղեկական աշխատանքների կազմակերպում

Դասղեկը իր աշխատանքները ճիշտ կազմակերպելու և պլանավորելու համար պետք է՝

- ❖ ծանոթանա աշակերտի անձնական գործին ,
- ❖ կազմակերպի ծնողական ժողով՝ ծնողներին ճանաչելու համար,
- ❖ սեպտեմբերի առաջին շաբաթվա վերջում կազմակերպի «Դասղեկական ժամ», գրուցի աշակերտների հետ՝ վեր հանելու աշակերտին հուզող ու մտահոգող հարցերը,
- ❖ պարզի աշակերտների նախասիրությունների շրջանակը,
- ❖ որոշակի իրավիճակային հարցերով ծանոթանա աշակերտների կարողություններին, հմտություններին, կամային հատկանիշներին:

Վերը թվարկվածների արդյունքում դասղեկը ճիշտ կկազմակերպի աշակերտների հետ տարվող դաստիարակչական աշխատանքների ուղղությունները՝ բարոյական, գեղագիտական, ռազմահայրենասիրական, հոգևոր, իրավական, աշխատանքային, գիտաճանաչողական:

Յուրաքանչյուր շաբաթ հարկ է կազմակերպել դասղեկական ժամեր: Յուրաքանչյուր դասաժամի համար կազմել պլան՝ ընտրել գրույցի թեման, առանձնացնել նպատակը, աշակերտներին տալ համապատասխան հանձնարարություններ: Կարելի է նաև տվյալ թեմայով կազմակերպել խմբային աշխատանք՝ պատրաստելով պաստառ:

Դասղեկը իր աշխատանքային պլանում «Դասղեկական ժամերի» համար առանձնացնում է որոշակի թեմաներ, որոնք կարևոր են աշակերտի աշխարհայացքն ու աշխարհընկալումը ձևավորելու համար:



Քանի որ այս ուսումնական տարում իմ դասղեկական դասարանը փոխադրվեց 5-րդ դասարան, «Դասղեկական ժամերի» համար կընտրեմ հետևյալ թեմաները՝

- ✓ Ոսկե կանոններ
- ✓ Դպրոցական կարգուկանոն
- ✓ Իմ իրավունքներն ու պարտականությունները
- ✓ Շնորհավոր տոնդ, Հայաստա՛ն
- ✓ Ինչպես լինել իսկական ընկեր
- ✓ Ինչպես լինել բարեկիրթ
- ✓ Ինչպես օգնել մարդկանց
- ✓ Իմ հայրենիքի գողտրիկ անկյունը /էքսկուրսիա պատմամշակութային վայրեր/
- ✓ Մեր քաջագուն նախնիները
- ✓ Ճանաչենք մեր նորօրյա հերոսներին
- ✓ Գիրքը իմ լավագույն ուղեկիցն է
- ✓ Պահպանի՛ր բնությունը:

Դասարանի առանձնահատկություններից ելնելով՝ պետք է կազմել հոգեբանական թեստեր, նաև չանտեսել այնպիսի գործնական վարժությունները, որոնք կօգնեն կարգավորել աշակերտների միջանձնային հարաբերությունները, օրինակ՝ երբ դասարանում առաջացել են խմբավորումներ, կամ՝ աշակերտն ընդդեմ աշակերտի, կամ՝ խմբավորումն ընդդեմ աշակերտի:

**Կիսվեմ իմ փորձով:** Քանի որ ես դասղեկ լինելու փորձ չունեի, որոշեցի հանգամանալից պատրաստվել աշակերտներիս հետ հանդիպման առաջին օրվան: Որոշեցի մեր համատեղ աշխատանքների հենց առաջին օրը միասին սահմանենք որոշակի կարգուկանոն մեր դասարանի համար: Միասին պատրաստեցինք պաստառ, որի վերնագիրն էր՝ «Մեր դասարանի ոսկե կանոնները»: Այա սկսեցինք

միասին սահմանել կանոնները:<sup>4</sup> Բոլորը ոգևորությամբ աշխատում էին: Այդ կանոններն են՝



- ✚ Միշտ ազնի՛վ եղեք
- ✚ Ուշադի՛ր լսեք
- ✚ Եղե՛ք հարգալից
- ✚ Հարգե՛ք միմյանց իրավունքները
- ✚ Կատարե՛ք ձեր պարտականությունները:

**«Ոսկե կանոնների»** հետ մեկտեղ պաստառին գրեցինք նաև **«Կախարդական բառերը»՝ շնորհակալություն, խնդրում եմ, կարելի՞ է, ներեցեք:** Պաստառը կախեցինք դասարանի պատից՝ տեսանելի տեղում: Քննարկեցինք նաև, որ միմյանց նկատմամբ պետք է լինենք հարգալից, պետք է օգտագործենք միայն բարի բառեր, քաջալերենք միմյանց, համագործակցենք, բոլորս պատասխանատու ենք միմյանց նկատմամբ:

Դասարանում ունենալ աշակերտ, որն ավելի ինքնուրույն է, քան մյուս աշակերտները, և նա փորձում է «իշխել» մյուսներին: Սկզբում ոչ ոք չէր բարձրաձայնում: Հանկարծ դասարանում տրամադրությունը փոխվում էր, իրար ականջի քչփչում էին: Հետո ես հասկացա, որ ինչ-որ բան այն չէ: Նրանք այնքան էմոցիոնալ են, ընդհանրապես չեն սիրում, երբ ես տխրում եմ կամ անհանգստանում, այդ իսկ պատճառով էլ ինձ ոչինչ չէին ասում: Որպեսզի կարողանամ լուծել առաջացած խնդիրը, որոշեցի հաջորդ օրը դասղեկական ժամին քննարկել այդ հարցը: Նախընտրեցի, որ իրենց հուզող հարցերը գրեն նախապես պատրաստված փոքրիկ թղթիկների վրա, որոնք լինելու էին անանուն և լցնեն տուփիկի մեջ: Դա կրելու էր շարունակական բնույթ: Հարցադրումն էր՝ **«Ի՞նչն է ինձ տխրեցնում»:** Տուփիկի անունը որոշեցինք դնել **«Խորհրդավոր տուփիկ»:** Երբ երեխաները

---

4. <https://www.youtube.com/watch?v=m-ibMa4190Y>

թերթիկները լցրին «Խորհրդավոր տուփիկի» մեջ, սկզբում լուռ կարդացի, այնուհետև առանց բարձրաձայնելու՝ ինչ է գրված, սկսեցի գրույց վարել աշակերտների հետ **«Հարգի՛ր իմ իրավունքները»** թեմայով: Ապա նրանց ուշադրությունը հրավիրեցի **«Ոսկե կանոններին»**, տվեցի հետևյալ հարցերը՝

- ⇒ Ինչո՞ւ մենք որոշեցինք դասարանում սահմանել վարքագծի կանոններ:
- ⇒ Ինչպիսի՞ն կլինի իրավիճակը դասարանում, եթե բոլորս հետևենք մեր իսկ սահմանած կարգուկանոնին:
- ⇒ Ինչպիսի՞ն կլինի իրավիճակը դասարանում, եթե մենք չհետևենք կարգուկանոնին:

Յուրաքանչյուրը սկսեց մտածել իր դրսևորած վարքագծի շուրջ և անել անհրաժեշտ հետևություններ: Յուրաքանչյուրը հասկացավ, որ ինքը այս ընտանիքի անդամն է և իր անցանկալի վարքը բացասական է ազդում ընտանիքի անդամներից յուրաքանչյուրի վրա:

Հաջորդ դասղեկական ժամին որոշեցի հարցադրումը փոխել՝ **«Ի՞նչն է ինձ ուրախացնում և ի՞նչն է ինձ տխրեցնում»**: Նպատակս այն էր, որ երեխաները չսովորեն միայն բողոքել, այլև գիտակցեն՝ որքան ուրախ է անցնում մեր օրը միասին:

Կարևոր է նաև աշակերտի հետ վարել անհատական գրույց, հասկանալ նրա վերաբերմունքի պատճառը, չնսեմացնել նրան, չասել **« ամոթ քեզ»**,<sup>5</sup> այլ ընդամենը համբերատար գրուցել և բացատրել, որ իր վարքը մեզ տխրեցնում է կամ հարց տալ՝ **«Պատկերացնո՞ւմ ես՝ ընկերդ քեզ հետ վարվի նույն կերպ, ի՞նչ կանես դու»**: Այսպես «Խորհրդավոր տուփիկի» միջոցով աշակերտների հետ միասին կարողացանք բազում կոնֆլիկտային իրավիճակներին նպատակային լուծում գտնել, հարթվեցին դասարանում պատահած

---

5. <https://www.youtube.com/watch?v=Q1TAD3WSSI8>

անախորժությունները և ձևավորեց առողջ մթնոլորտ:

Ըստ **Վ. Ա. Սուխոմլինսկու**՝ նախատինքը կրթության ամենամեծ սխալն է: Այն երեխայի մեջ զարգացնում է անվստահություն սեփական անձի հանդեպ, իսկ անվստահությունը կաթվածահար է անում հոգին և թուլացնում է կամքը, խանգարում է ինքնուրույն որոշումներ կայացնել՝ դժվարությունները հաղթահարելու համար: Դրա փոխարեն կարելի անել նկատողություն՝ իմաստուն ձևով համադրելով բարությունն ու խստությունը:

Ըստ **Վ. Դ. Ուշինսկու**՝ երբեմն աշակերտի դրական հատկությունները անհրաժեշտ զարգացում չեն ստանում, իսկ բնավորության բացասական գծերը զարգանում և դրսևորվում են նրա վարքագծում: Դասուցի սովորողների դրական կողմերը կարող է զարգացնել՝ կիրառելով անհատական մոտեցում, այն է՝ հետևելով թաքնված դրական գծերին և անհատական աշխատանք տանելով նրա հետ, այդ որակները ամրակայել և նրանց վարքագծում դրանք իշխող դարձնել:

Երբ աշակերտների հետ ձևավորվում են ընկերական հարաբերություններ, նրանք ակնկալում են, որ կարող են դիմել քեզ խնդրանքով, իսկ դու՝ չես մերժի: Օրինակ՝ այդ դասաժամին նստել այնտեղ, որտեղ ցանկանում է, կամ դասն անցկացնել այգում: Իհարկե, նրանց խնդրանքը դժվար է մերժել, բայց պետք է այնպես անել, որ նրանք չհատեն ուսուցիչ - սան սահմանը: Միշտ էլ լինում են դեպքեր, երբ մեկ-երկու աշակերտ փորձում են դուրս գալ վերահսկողությունից, սակայն ուսուցչի սաստող, բայց բարի հայացքը սթափեցնում է նրանց:<sup>6</sup>

Սովորողների դրական հատկությունների վրա հենվելը մեծ նշա-

---

6. <https://www.edutopia.org/account/signup?grades>

նակություն ունի: Նախ՝ սովորողների մոտ ծնվում է հավատ, որ իրենք կարող են վերացնել իրենց թերությունները և ուղղվել: Երկրորդ՝ դրական հատկանիշները գնահատվում են ըստ արժանվույն /օրինակ՝ մի դժվար իրավիճակ հաղթահարելու համար նվիրել կոնֆետ/, ուշադրությունը կենտրոնացնում են իրենց իսկ դրական հատկանիշների վրա և զարգացնում դրանք, որն էլ նպաստում է անցանկալի արարքների հաղթահարմանը և վերացմանը:

Հարկավոր է հաշվի առնել հետևյալը՝

- պետք է ձեռք բերել սովորողների վստահությունը
- պետք է ճիշտ պատկերացում կազմել սովորողների առանձնահատկությունների ու կարողությունների մասին
- պետք է աջակցել աշակերտին, նպաստել նոր, դրական հատկանիշների զարգացմանը՝ պահելով ուշադրության կենտրոնում:

Սակայն անհատական մոտեցման ժամանակ անհրաժեշտ է հարգանքին զուգակցել պահանջկոտությունը, բայց նաև չպետք է գերազնահատել կամ թերազնահատել սովորողների ուժերն ու կարողությունները:

**Իմ փորձից:** Իմ դասղեկական դասարանում ես դասավանդում եմ «Մայրենի» առարկան: Երբ աշակերտներիցս մեկը բացակայում է՝ վատառողջ լինելու պատճառով, նրան հնարավորություն եմ տալիս հեռավար հետևել իմ դասին՝ թեմաներից հետ չընկնելու նպատակով /եթե առողջական վիճակը թույլ է տալիս/: Նրանք նաև պարտավորվում են կատարել տնային հանձնարարությունները: Սակայն աշակերտներիցս մեկը, երբ հիվանդության պատճառով հաճախ բացակայում էր, տնային հանձնարարությունները չէր կատարում, արդյունքում ունենում էր ահռելի բացթողումներ և դժվարությամբ էր ընդգրկվում դասապրոցեսի մեջ: Ես որոշեցի համագործակցել ծնողի հետ՝ պահանջելով, որ երեխան

բացակայության ընթացքում կատարի օրվա հանձնարարությունները:  
Համագործակցությունը ստացվեց:

Տնային աշխատանք հանձնարարելիս նշում են առաջադրանքի կատարման նվազագույն և առավելագույն քանակը՝ երեխաների կարողունակություններից ելնելով: Որոշ աշակերտներ տնային հանձնարարությունները կատարում էին նվազագույն չափով, մի մասն էլ՝ առավելագույն: Դե, իհարկե, խրախուսում և գովաբանում էի նրանց աշխատասիրությունը՝ չնսեմացնելով մյուսներին՝ նպատակ ունենալով ապահովել առողջ մրցակցություն: Որոշ ժամանակ անց մյուսներն էլ հետևեցին ընկերների օրինակին:

Ուրեմն՝ ուսուցիչ - դասղեկի գերագույն նպատակը պետք է լինի աշակերտի մոտիվացիան: Իր սպասելիքներն արդարացնելու համար՝ ուսուցիչը աշակերտին հստակ պետք է ներկայացնի, թե ինչ է ակնկալում աշակերտից, իսկ սպասելիքները պետք է լինեն իրատեսական՝ յուրաքանչյուր սովորողի կարիքներին համապատասխան:

### **Գուլխ 3. Դասղեկի համագործակցությունը ծնողի հետ**

Որպես կանոն բոլոր ուսումնական հաստատություններում ժամանակ առ ժամանակ /օրինակ՝ ամիսը մեկ անգամ/ հրավիրվում են ծնողական ժողովներ, որտեղ քննարկվում են աշակերտների վարքին, առաջադիմությանը վերաբերող և այլ բազմաբնույթ հարցեր: Մինչ ծնողական ժողով հրավիրելը, պետք է ծնողների հետ համաձայնեցնել օրը, ժամը, քանի որ ծնողների մեծ մասը աշխատում է: Որոշվում է ծնողական ժողովի օրակարգը, առանձնացվում են ամենակարևոր հարցերը / օրինակ՝ ծնողական խորհրդի կազմը ևն/ : Շատ կարևոր է ծնողական ժողովը սկսել բարձր տրամադրությամբ և ժպիտով: Նախ և առաջ հարկավոր է խոսել դրական հարցերի շուրջ՝ ապահովելով անմիջական մթնոլորտ: Պետք չէ առանձին աշակերտների խնդիրները դարձնել ընդհանուր քննարկման թեմա, այլ

յուրաքանչյուր ծնողի հետ քննարկել առանձին: Ծնողի մոտ աշակերտի վարքի բացասական կողմը ներկայացնելիս պետք է լինել նրբանկատ, այնպես անել, որ ծնողը ժողովից հետո լավ տրամադրությամբ հեռանա, այլապես նա կխուսափի հաջորդ ժողովին մասնակցելուց /կարելի է կիրառել նաև «Սենդվիչի մեթոդը»/:

Երբ ծնողը ներգրավված է երեխայի կրթության գործընթացում, աշակերտը ցուցաբերում է ավելի լավ արդյունքներ, աշակերտի մոտ զարգանում են սոցիալական հմտությունները, նրա վարքը դառնում է դրական, ավելի հաջողությամբ է ավարտում դպրոցը և ուսումը շարունակելու ավելի լայն հնարավորություններ ու պայմաններ է ունենում: Վիճակագրական տվյալներով, եթե ծնողները չեն համագործակցում ուսուցիչների հետ կամ հետաքրքրված չեն դպրոցի առօրյա կյանքով, նրանց երեխաների ակադեմիական առաջադիմությունը մյուս երեխաների համեմատությամբ ավելի ցածր է: Աշակերտները, որոնց ծնողները ակտիվորեն ներգրավված են դպրոցի կյանքում, ավելի լավ վարք ունեն և նրանց դեմ կիրառված կարգապահական պատժամիջոցների միջին ցուցանիշներն ավելի ցածր են մյուս երեխաների համեմատությամբ: Դպրոցի կյանքին մասնակից ծնողների երեխաները ավելի լավ հարաբերություններ ունեն ինչպես ուսուցիչների, այնպես էլ ընտանիքի անդամների հետ:

**Իմ փորձից:** Իմ դասղեկական դասարանի հետ աշխատելիս ծնողների հետ համագործակցությունը տվեց իր դրական արդյունքները: Գրեթե ամեն օր ես ծնողներին փոխանցում էի երեխաների վարքի և առաջադիմության հետ կապված տվյալներ, քանի որ համագործակցում էի նաև դասավանդող ուսուցիչների հետ: Սկզբում ծնողներն այնքան էլ չէին ընդունում աշակերտների ուսումնառության հետ կապված իմ առաջարկությունները, պահանջները կամ դիտողությունները: Սակայն կիսամյակի ընթացքում աշակերտներս գրանցեցին բարձր առաջադիմություն:

Ծնողների ներգրավվածությունը կարևոր է ոչ միայն ուսման արդյունքների բարելավման գործում, այլև հենց ծնողների համար, քանի որ ծնողը սկսում է ապրումակցել երեխայի հույզերին, այն է՝



ավելի լավ է հասկանում նրան, ավելի շատ է ուշադրություն դարձնում, ավելի հոգատար է երեխայի նկատմամբ, խիստ չէ և քաջալերում է նույնիսկ ամենափոքր ձեռքբերումները, հաճույքով է զբաղվում երեխայի կրթությամբ ու դասատիարակությամբ, դրական

հարաբերություններ է ստեղծում երեխայի ուսուցիչների հետ, որի հետևանքով ճիշտ ժամանակին կարողանում է լուծել երեխայի ուսումնառության ընթացքում ծագած խնդիրներն ու դժվարությունները, իսկ ուսուցիչն ավելի հեշտ է կարողանում հաղորդակից դառնալ աշակերտի կարիքներին:

Վրաստանում 2012 թվականին Տարրական կրթության նախագծի /G – PriEd/ կողմից միջազգային և տեղական փորձագետների մասնակցությամբ անցկացվեց հետազոտություն, որի նպատակն էր բացահայտել կրթական գործընթացում ծնողների ներգրավվածությունը: Ուսումնասիրության արդյունքում պարզվեց, որ ծնողների ներգրավվածությունը դպրոցների գտնվելու վայրի հետ



կապված տարբեր դժվարություններ է առաջացնում: Վրաստանի Կրթության և գիտության նախարարությունը մշակեց վրաց իրականությանը հարմարեցված մոդել, որը նախատեսում էր համապատասխան նյութերի ինտեգրում տնօրենների, ուսուցիչների և ծնողների համար, որոնք կօգնեն ծնողներին և նրանց երեխաներին ավելի լավ ճանաչել միմյանց, ինչի արդյունքում կձևավորվեն բարիդրացիական հարաբերություններ, կօգնեն միմյանց սոցիալական փորձի և գիտելիքի ձեռքբերման հարցում:<sup>7</sup>

Նման փորձ կիրառվում է Հայաստանի Հանրապետության Տավուշի մարզի Դիլիջանի կենտրոնական դպրոցում և տալիս է դրական արդյունք /ստեղծվել է դպրոցական կայք – էջ, էլեկտրոնային հասցեների միջոցով տեղեկատվությունը շատ արագ և օբյեկտիվորեն փոխանցվում է ծնողներին, յուրաքանչյուր ուսուցիչ յուրաքանչյուր երեխայի համար լրացնում է «Առաջադիմության բնութագիր», որը գրավոր ձևով ուղարկվում է ծնողին, տնօրենությունը կազմակերպում է ժողովներ, հանդիպումներ ծնողական համայնքի հետ, ծնողին տրանսպարվում է հետադարձ կապ, ուսուցիչները ծնողների հետ կազմակերպում են անհատական հանդիպումներ յուրաքանչյուր երեխայի վարքն ու առաջադիմությունը քննարկելու համար/ :<sup>8</sup>

---

7. [http://kargiskola.ge/parent/pdf/PE\\_GUIDE\\_Armenian.pdf](http://kargiskola.ge/parent/pdf/PE_GUIDE_Armenian.pdf)

8. <https://www.youtube.com/watch?v=BTFASExvKAQ>

## Եզրակացություն

Ժամանակակից հասարակության մեջ կրթությունը ուրույն տեղ է զբաղեցնում: Չնայած ժամանակակից մարդը ճկուն է, շրջահայաց, բայց 21-րդ դարի մարտահրավերներին դիմակայելու համար կրթվելը կարևոր ու անհրաժեշտ է: Ուստի ուսուցիչը կանգնած է լրջագույն մարտահրավերների առջև, քանի որ ժամանակակից աշխարհի մտածելակերպն ու պահանջները ստիպում են վերանայել ուսումնառության ընթացքում գործածվող մեթոդները, հնարները, աշխատելաոճը, գիտելիքները, այլապես ձախողումն անխուսափելի կլինի: Ուսուցչի խնդիրն է ապահովել կրթության այնպիսի մակարդակ, որպեսզի երիտասարդ սերունդը պատրաստ լինի ինքնուրույն կյանքի, ինքնուրույն որոշումներ կայացնելու և ինքնահաստատվելու: Իսկ դասղեկի պատասխանատվությունն այսօր բազմապատկվել է:

Դասարանի ղեկավարումը հսկայական պատասխանատվություն է և պահանջում է նվիրված ու քրտնաջան աշխատանք: Այդ իսկ պատճառով դասղեկներին անհրաժեշտ է մենթորական և մեթոդական աջակցություն, կրթական խորացված դասընթացներ, վերապատրաստումների հասանելիություն, ինչպես նաև պատկան մարմինների կողմից լուրջ աջակցություն, բայց մեծ մասամբ այդ ծանր բեռը մնում է ուսուցչի ուսերին իր միջոցների հաշվին: Ոչ բոլոր ուսուցիչներն են պատրաստ իրենց ուսերին վերցնել հավելյալ բեռ ու պարտականություններ՝ դասարանի ղեկավարման տեսքով:

2020 թվականի սեպտեմբեր-հոկտեմբեր ամիսներին Ռուսաստանի Դաշնության 84 վարչական շրջաններում Կրթական ռեսուրսների ազգային հիմնադրամի փորձագետները հարցում են անցկացրել: Հարցմանը մասնակցել է մոտ 2500 ուսուցիչ : Ուսուցիչների 8%-ը, որոնք արդեն դասղեկ են, համաձայնել են մասնակցել դասղեկների վերապատրաստման դասընթացին միայն շատ համոզելուց հետո, 14%-ը նշել է, որ իրենց ստիպել է տնօրենությունը, ուսուցիչների 6%-ից ավելին ոչ մի դեպքում չի ցանկանում դասղեկ լինել: Այդ իսկ պատճառով երկրում դասղեկական աշխատանքների լրացուցիչ վճար

է մտցվել, ստեղծվել են մենթորական և մեթոդական աջակցության ինստիտուտներ, կրթական խորացված դասընթացների հասանելիություն:<sup>9</sup>

Այսպիսով, անհրաժեշտ է մշտադիտարկումների միջոցով բացահայտել դասղեկական աշխատանքների կազմակերպման ընթացքում առաջացած խնդիրները կրթական խորացված դասընթացների, վարպետության դասերի, անվճար վերապատրաստման դասընթացների, սեմինարների կազմակերպման ինչպես նաև համապատասխան մեթոդական ձեռնարկների առցանց հասանելիություն հայերեն տարբերակով:

---

9. “Учительская газета” №49 от 8 декабря

## Օգտագործված գրականության ցանկ

1. Статья “Роль классного руководителя в современной школе”, 17.08.2018
2. «ՀՀ Պետական հանրակրթական ուսումնական հաստատություն՝ ՊՈԱԿ» օրինակելի կանոնադրություն, կետ 76
3. Սուխոմլինսկի Վ. Ա., Հարյուր խորհուրդ ուսուցչին, 2-րդ մաս, Երևան, 1981թ., 174 էջ
4. <https://www.youtube.com/watch?v=m-jbMa4190Y>
5. <https://www.youtube.com/watch?v=Q1TAD3WSSI8>
6. <https://www.edutopia.org/account/signup?grades>
7. [http://kargiskola.ge/parent/pdf/PE\\_GUIDE\\_Armenian.pdf](http://kargiskola.ge/parent/pdf/PE_GUIDE_Armenian.pdf)
8. <https://www.youtube.com/watch?v=BTFASExvKAQ>
9. “Учительская газета” №49 от 8 декабря